

Na osnovu člana 18. stav 1. Zakona o osnivanju JU Zaštićeni pejzaž "Konjuh" Banovići, ("Službene novine Tuzlanskog kantona", broj: 6/11, 1/13), direktor JU Zaštićeni pejzaž «Konjuh» podnosi:

I Z V J E Š T A J

o finansijskom poslovanju i radu JU Zaštićeni pejzaž "Konjuh" u 2013. godini

I UVOD:

Dobro očuvana priroda najveće je nacionalno blago, a briga o prirodnim bogatstvima i biološkoj raznolikosti, sve više postaje bitna tema i predmet odgovornosti cijele zajednice. Područje planine Konjuh je izuzetno vrijednog prirodnog i kulturno historijskog nasljeđa, prostor sa vrlo vrijednom estetikom pejzažnih, ekoloških i kulturnih vrijednosti, prirodnih raznolikosti i bogastva živog i neživog svijeta.

Zbog tih karakteristika, dopunjenih potrebom građana mnogoljudnog Tuzlanskog kantona za prirodnim prostorom namjenjenog odmora i rekreaciji, 2009.godine, prepoznate vrijednosti područja su promovisane u Zaštićeni pejzaž KONJUH, Zakonom o proglašenju dijela planine Konjuh Zaštićenim pejzažom, sa ciljem njegove trajne zaštite, očuvanja i unapređenja sa uravnoteženim korištenjem i održivim upravljanjem.

Ova biološka raznolikost, te nenarušeni izvorni karakter pojedinih ekosistema visokovrijednih pejzažnih osobina, kao i historijsko nasljeđe područja, povjereni su na upravljanje Javnoj ustanovi Zaštićeni pejzaž „Konjuh“, Zakonom o njenom osnivanju 2011.godine.

Javnu Ustanovu osnovala je Skupština Tuzlanskog kantona, a obavezu formiranja i nadzor nad radom, povjeren je Ministarstvu prostornog uređenja i zaštite okoliša TK.

Zadaća Ustanove je da obavlja djelatnost upravljanja Zaštićenim pejzažom "Konjuh" u skladu sa članom 7. Zakona o osnivanju JU, odnosno da vodi aktivnu brigu osvim njegovim vrijednostima u cilju zaštite i očuvanja izvornosti prirode, osiguravanja neometanog odvijanja prirodnih procesa i održivog i unaprijeđenog načina korištenja prirodnih dobara, te da nadzire sprovođenje svih dozvoljenih djelatnosti u prostoru zaštite i kontroliše ispunjavanje uslova i mjera zaštite prirode i insistira na njihovom provođenju na cijelom području.

II TRENUTNO STANJE

1. Stanje prostora Zaštićenog pejzaža KONJUH

Površina Zaštićenog pejzaža je 8139,7 hektara, pretežno šumskog područja i nalazi se na području tri općine, Banovići, Kladanj i Živinice.

Zakonom o proglašenju ZP, područje je razvrstano u tri zone ovisno o stepenu zaštite, što je urađeno na osnovu brojnosti i rasporeda prirodnih vrijednosti područja, te njihovog stanja narušene ravnoteže i ugroženosti.

- Prva zaštićena zona (zona A) obuhvata površinu od 2.411,42 ha u 5 odvojenih površina, i podliježe najstrožijem režimu zaštite.
- Druga zaštićena zona (zona B) je površine od 5.093,70 ha u 4 odvojene površine, sa slobodnijim zaštitnim mjerama.
- Treća zaštićena zona (zona C) sa površinom od 511,49 ha u dvije odvojene površine, zbog svoje ambijentalne vrijednosti namijenjena je prvenstveno za rekreaciju, sport, naučno-nastavni rad i turizam.

Od donošenja Zakona o proglašenju dijela planine "Konjuh" Zaštićenim pejzažom, izvršeni su sledeći radovi u prostoru zaštite:

- radovi na obilježavanju granica područja, vanjskih i granica pojedinih zona zaštite,
- postavljanje tabli sa kartom područja, na ulaznim mjestima u dijelove pejzaža, sliva Oskove, na lokalitetu Grab potoka i naselja Brateljevići u dio sliva Drinjače.

2. Stanje u Javnoj ustanovi

Javna ustanova Zaštićeni pejzaž "Konjuh" osnovana je aprila 2011. godine, Zakonom o osnivanju Javne ustanove Zaštićeni pejzaž "Konjuh", a njena registracija kod nadležnog Suda izvršena 22.11.2011. god.

Ustanova je otpočela je sa radom početkom 2012. god.

Javnom ustanovom upravlja Upravni odbor od 3 člana, koji je imenovala Skupština TK.

U Ustanovi su u 2013.godini bila zaposlena dva djelatnika i to: direktor (VSS) i pomoćnik direktora za ekonomske, pravne i opšte poslove (VS).

Sjedište Ustanove je u Banovićima, Grab potok bb.

2.1. Donošeni podzakonski dokumenti JU

Registracijom i upisom u Sudski registar pravnih subjekata, JU je započela poslove na izgradnji potrebnih kapaciteta za izvršavanje Zakonom povjerenih poslova i obaveza početkom 2012. godine. Značajnu pomoć i podršku uspostavi preduslova funkcionisanja, davalo nadležno Ministarstvo TK, uz čiju pomoć su urađeni potrebni akti za sudsku registraciju JU, a kasnije i u ostalim poslovima izrade opštih akata.

Upravni odbor do kraja 2012.godine donio je sljedeće podzakonske dokumente JU:

- Pravila JU,
- Pravilnik o unutarnjoj organizaciji i sistematizaciji radnih mjesta JU,
- Pravilnik o izmjenama i dopunama Pravilnik o unutarnjoj organizaciji i sistematizaciji radnih mjesta JU,

- Pravilnik o Radu JU,
- Pravilnik o platama JU,
- Pravilnik o postupku direktnog sporazuma JU, i
- Pravilnik o korištenju motornih vozila JU.

2.1. Izgradnja infrastrukture

2.1.1. Uređenje poslovnih prostorija JU

Javna ustanova Zaštićeni pejzaž "Konjuh", nema stalnih sredstava u vidu zgrada i objekata, niti je planirana nabavka istih u 2013. godini.

Poslovne prostorije Ustanove, poslovno sjedište, nalazi se u objektu vlasništva općine Banovići, na adresi Grab potok, koji je bio u namjeni za smještaj izbjeglica, koji je preuređen u adekvatan i funkcionalan prostor, oko koga je izvršeno vanjsko uređenje.

Površina poslovnih prostorija je oko 200 m², za šta se opštini Banovići plaća najam po sklopljenom godišnjem Ugovoru o zakupu u iznosu od 220 KM za mjesec.

Prostorije su kvalitetne i funkcionalne za obavljanje djelatnosti.

JU je registrovana kao korisnik komunalnih usluga I električne energije.

JU ima telefonski priključak i internet.

2.1.2. Nabavka osnovnih sredstava

Ustanova je do kraja 2012. godine, na osnovu Plana nabavki izvršila nabavku osnovnih sredstava, kancelariskog namještaja, opreme i dijela inventara u potpunom obimu za nesmetan rad.

Opremljene su sve kancelarije sa neophodnim namještajem, nabavljena dva kompjutera sa pratećom opremom, kancelarijski aparati i druga neophodna sredstva.

JU nema nabavljena prevozna sredstva.

Nema ni druga sredstva, objekte ili druge vrijednosti u svom vlasništvu.


Takođe JU nema nikakva prava i obaveze proizašlih iz vlasništva.

2.2.3. Organizaciona struktura JU

Po Pravilniku o unutarjoj organizaciji i sistematizaciji radnih mjesta JU ima planiran puni kapacitet od 8. zaposlenih radnika, kojju toku 2013. godine nije popunjen.

Razlog ne popunjavanja radnih kapaciteta JU je objektivne prirode, prije svega zbog različitih interesa pojedinih zaduženih i nadležnih strana u tom pogledu, kao i zbog finansijskih okolnosti.

Ogranizaciona šema izgleda ovako:



II REALIZIRANE AKTIVNOSTI U2013. GODINI

Cjelokupan rad Ustanove na upravljanju ZP "Konjuh", sve aktivnosti i zadaci planirane i predviđene su **Godišnjim planom i programo rada JU Zaštićeni pejzaž "Konjuh" na zaštiti, unapređenju, promociji, korištenju i očuvanju Zaštićenog pejzaža „Konjuh“ za 2013. godinu**, koji je usvojen od strane Upravnog odbora JU, uz saglasnost nadležnog Ministarstva.

Njime su definisani zadaci koje je JU planirala izvršiti u planskom periodu, za čije ispunjenje su bili potrebni i određeni uslovi, koji su kroz čitav period u većini bili nepovoljni, tako da je izvršenje Plana za 2013. godini bilo ograničeno.

1. Aktivnosti donošenja planskih dokumenata

1.1. Donešeni planski i podzakonski dokumenti

Upravni odbor na predlog direktora JU u 2013.godini usvojio je:

- Finansijski plan JU za 2013. godinu
- Godišnji program rada JU na očuvanju, unapređenju, promociji i korištenju Zaštićenog pejzaža „Konjuh“ za 2013. godinu
- Plan nabavki JU za 2013.godinu.

Upravni odbor na predlog direktora JU u 2013.godini donio je:

- Pravilnik o izgledu uniforme Nadzornika u ZP,
- Pravilnik o legitimaciji Nadzornika u ZP.

- Odluka o izgledu i korištenju znaka-loga ZP "Konjuh".

1.2. Prostorni plan posebnih obilježja ZP "Konjuh"

Aktivnosti na izradi Prostornog plana područja zaštite započete su početkom 2012. godine, dobile su konačnu formu usvajanjem Prostornog plana posebnih obilježja Zaštićeni pejzaž KONJUH od strane skupštine TK polovinom 2013. godine.

Ustanova je dala vrlo značajan doprinos u izradi Prostornog plana, sa svojim stručnim i konstruktivnim predlozima.

1.3. Izrada potrebnih unutarnjih i podzakonskih akata JU

JU je od samog početka pristupila izradi liste potrebnih akata koji su neophodni za rad Ustanove.

U 2013. godini urađeni su nacrti i predlozi sljedećih dokumenata:

1. Pravilnik o unutarnjem redu u Zaštićenom pejzažu "Konjuh", kojim se propisuju svi modeli zaštite, od očuvanja, posjećivanja i korištenja svih vrijednosti unutar prostora ZP, kao i visine sudskih i mandatnih kazni (kazne na licu mjesta), za njegovo nepoštivanje i narušavanje.

Pravilnik o unutarnjem redu može se smatrati osnovnim "alatom" za rad i funkcionisanje JU na poslovima zaštite i nadzora u Zaštićenom pejzažu "Konjuh".

2. Cjenovnik naknada i drugih usluga na području Zaštićenog pejzaža KONJUH, koji je osnov za sticanje vlastitih prihoda JU, funkcionisanja na osnovi samoodrživosti.

2. Realizovani projekti

2.1. Projekat "Izgradnja i uređenje izletišta Zlaća"

Ustanova je sredinom 2012. godine izradila Izvedbeni projekat "Izgradnja i uređenje izletišta Zlaća", koji je apliciran na Javni poziv Strategija zaštite okoliša za 2012. godinu "Lokalne inicijative za zaštitu biodiverziteta u zaštićenim područjima", korištenje javnih sredstava za poboljšanje uslova upravljanja zaštićenim područjima u F BiH.

Projekat pozitivno ocijenjen, po kojem su JU odobrena sredstva za njegovu realizaciju u iznosu od 150 000 KM.

Realizacija projekta izvršena je kroz tri cijeline, čime se lokalitet izletišta Zlaća sa izgrađenim i postojećim sadržajima, od livade Zelenika do izletišta Zobik, objedinio u jednu izletničko rekreativnu cjelinu, površine od oko 100 ha u dužini od 6000 metara.

Realizacijom projekta urađeno je:

1. Uređenje izletišta "Zelenika", uređenje zapuštenih površina prije hotela Zlaća sa izgradnjom izletničkih objekata i sadržajai potrebne prateće infrastrukture u površini od 10 000 m².
2. Izgradnja rekreativno-poučne staze Mačkovac, od vile Sensi do Batala, lijeva strana rijeke Oskove, sa objektima i infra strukturom, dužine 1600 m.
3. Rekonstrukcija puta za Zobik, dionica Batalo-Zobiku dužini od 1500 m.

JU Zaštićeni pejzaž "Konjuh" Banovići je u cjelosti realizovala Projekat u toku 4 mjeseca 2013. godine, a dobivena sredstva opravdana Federalnom Ministarstvu.

2.2. Realizacija projekta Adrenalinski park “Zlaća”

JU je u 2013. godini u saradnji sa Udruženjem građana “FUTURIST” Tuzla, pokrenula realizaciju projekta “Adrenalinski park ZLAĆA”, za koji su korištena javna namjenska sredstva iz Federalnog fonda.

Projekat je realizovan u toku 2013.godine u obimu od 80 % planiranih poslova, čime su se stekli uslovi pokretanja rada parka u zadovoljavajućim kapacitetima.

Realizacijom projekta, Adrenalinski park ZLAĆA, objekat će biti predat u vlasništvo JU.

3. Izrađeni projekti

3.1. Projekat inventarizacije, uređenja, zaštite i promocije vrijednosti Zaštićenog pejzaža KONJUH

Ustanova je sredinom 2013. godine izradila **Projekat inventarizacije, uređenja, zaštite i promocije vrijednosti Zaštićenog pejzaža KONJUH**, koji je apliciran na Javni poziv Strategija zaštite okoliša za 2013. godinu “Lokalne inicijative za zaštitu biodiverziteta u zaštićenim područjima”, korištenje javnih sredstava za poboljšanje uslova upravljanja zaštićenim područjima u F BiH.

Projekat je pozitivno ocijenjen, a odobrena su sredstva u iznosu od 67000 KM, o čemu je potpisan ugovor sa Federalnim Ministarstvom u mjesecu oktobru 2013. godine.

Po uplati odobrenih sredstava od strane Federalnog Ministarstva pristupiti će se njegovoj realizaciji, što se očekuje da bi moglo biti u mjesecu aprilu 2014.godine.

Ciljevi projekta su:

- Izvršiti registraciju i klasifikaciju svih tipova prirodnih, kulturno historijskih i izgrađenih vrijednosti ZP „Konjuh“.
- Identificirati strukturalna obilježja pejzaža koja predstavljaju njegove vrijednosti, na osnovu zakonitosti njihova oblikovanja i funkcionisanja, te dati procjenu njihovog sadašnjeg stanja.
- Izvršiti kategorizaciju vrijednosti područja prema utvrđenim standardima, od strane stručnjaka i od strane javnosti.
- Propisati mjere za njihovu zaštitu, očuvanje i unapređenje.
- Sistematizirati sve dobivane podatke u bazu podataka i izraditi Registar vrijednosti područja ZP.
- Maksimalno afirmirati sve kategorije prirodnog, kulturno historijskog i izgrađenog nasljeđa, kao objekte ili pojedinačne vrijednosti.
- Uređenje lokaliteta sa vrijednostima i staništima na kojima se nalaze ili obitavaju vrijednosti ZP.
- Prezentaciju svih vrijednosti posjetiteljima putem informativnih centara i izdavanjem štampanih i video materijala.
- Promociju Zaštićenog pejzaža u cilju stvaranja jedinstvene i prepoznatljive turističke ponude,
- Podsticanje naučne i obrazovne aktivnosti koje će doprinijeti razumijevanju i jačanju podrške stanovništva o značaju područja.

Realizacijom projekta izraditi će se:

1. Elaborat o inventarizaciji, mjerama zaštite i očuvanja vrijednosti ZP KONJUH
2. Registar prirodnih, kulturno historijskih i izgrađenih vrijednosti ZP KONJUH.
3. Baza podataka,
4. Propagandni materijal.

Realizacijom projekta izgradit će se :

1. Infrastrukturni objekti u svrhu zaštite, očuvanja, promocije i korištenja vrijednosti područja.
2. Obilježavanje površina i granica lokaliteta ili staništa, vrijednost pejzaža adekvatnim znakovima.
3. Izgradnja potrebnih objekata i sadržaja na lokalitetu postojanja vrijednosti u svrhu zaštite, očuvanja, promocije i korištenja, (table sa informacijama o vrijednosti, prilazni putevi i staze lokalitetu, zaštitne ograde, putokazi, osnake i drugi potrebni objekti ovisno o tipu zaštićene vrijednosti.
4. Izgradnja informativno edukativnih punktova, koji će pružati informacije o vrijednostima pejzaža Konjuh, gdje će se posjetitelji upoznavati sa vrijednostima područja, imati će i edukativnu svrhu za posjetitelje, prvenstveno za djecu i školsku omladinu, na kojima će se organizirati različiti vidovi edukacije.

IV OSTALE AKTIVNOSTI

1.1. Uspostava službe nadzora i zaštite u Zaštićenom pejzažu “Konjuh”

Poslove nadzora i zaštite vrijednosti područja Zaštićenog pejzaža “Konjuh”, JU u 2013. godini, obavljala je na nivou Zakonskih ograničenja po zonama zaštite.

Utom smislu redovno su vršena izvještavanja od strane JP Šume TK dd Kladanj, o aktivnostima na gazdovanju šumama. Redovno su dostavljani izvještaji o izvršenim sječama, o pošumljavanjima, o požarima i o drugim aktivnostima vezanim za Zakonska ograničenja po zonama zaštite iz domena njihove djelatnosti.

Ostali privredni subjekti nisu dostavljali nikakve izvještaje, te je nadzor nad njima vršen na osnovu različitih saznanja o njihovim aktivnostima.

Uvažavanje ograničenja i zabrana po zonama zaštite prostora od subjekata koji obavljaju dozvoljene djelatnosti u prostoru Zaštićenog pejzaža je bila ispod potrebnog nivoa, prvenstveno iz razloga nepotpunih kapaciteta rada Ustanove, kao i nedostatka podzakonskih propisa.

Organizacija službe nadzora i zaštite ZP, zbog njegove prostorne specifičnosti, koja se odražava u tome da je prostor Zaštićenog pejzaža “Konjuh”, sastavljen iz dvije odvojene cjeline, sliv rijeke Oskove površine od oko 4700 ha i sliv rijeke Drinjače površine od oko 3200 ha, zahtjeva dodatni napor, zbog čega joj se pridaje posebna pažnja, a čija uspostava nije bila izvršena u 2013. godini.

Razlozi kašnjenja su sadržani u objektivnim okolnostima i nedostatku sredstava.

2.1.2. Nabavka osnovnih sredstava

Ustanova u 2013. godini, na osnovu Plana nabavki nije vršila nabavku osnovnih

sredstava, kancelariskog namještaja, opreme i inventara iz razloga objektivne prirode.

U 2013 godini izvršena su ulaganja u realizaciju projekta „Zlaća“ u iznosu od 150.380 KM. Sredstva za realizaciju ovog projekta u iznosu od 150.000,00 KM dobijena su od Budžeta FBiH. Izrađeni objekti i izvršena uređenja su u naravi stalna sredstva, koja će služiti ustanovi kao sredstva i objekti za sticanje prihoda, prodajom usluga i naknada po donešenim tarifama i uslovima.

JU u 2013.godini nije imala prevozna sredstva.

1.2. Promocija Zaštićenog pejzaža “Konjuh”

Na promociji Zaštićenog pejzaža “Konjuh”, njegovih vrijednosti, u 2013.godini urađeni su poslovi izrade Web stranice, zakup domene i idejni dizajn, kao i izgled znaka - logotipa za Zaštićenog pejzaža KONJUH.

Realizacija drugih vidova promocije, izrada promotivnih materijala, elektronske i pisane forme, kao i aktivnosti promotivne saradnje, nisu bile moguće upostojećim kapacitetima rada JU.

1.3. Saradnja

Saradnja Ustanove u 2013.godini, bila je prvenstveno orjentisana na saradnju sa nadležnim Ministarstvom prostornog uređenja i zaštite okoliša TK u domenu uspostavljanja rada Ustanove. Također je ostvarena saradnja sa Federalnim fondom za zaštitu okoliša, kao i sa udruženjima građana, koja je za rezultat imala realizacije projekata, Izgradnja i uređenje izletišta “Zlaća” i “Adrenalinski park Zlaća”.

Pored toga, ostvarena je kontakt saradnja sa planinarima, lovačkim udruženjima, Turističkom zajednicom TK, JP Turizam DOO Banovići, općinom Banovići, Šumarskim fakultetom u Sarajevu, JP Šume TK, kao i sa pisanim i elektronskim medijima.

1.4. Korištenje vrijednosti ZP

Vrijednosti ZP u 2013.godini, koristile su se u okviru rekreativnih, turističkih i vjerskih posjeta, ugostiteljskih djelatnosti, korištenja vodenih potencijala i korištenja prirodnih resursa.

Korištenje vrijednosti Zaštićenog pejzaža od strane privrednih subjekata koje obavljaju dozvoljene djelatnosti u području zaštite, obavljano je u skladu sa ograničenjima o zonama zaštite, bez izazvanih štetnih posljedica na prirodu i prostor.

Korištenje prostora ZP od strane lokalnog stanovništva karakterišu navike, koje su nastale kao rezultat višegodišnjih zadovoljavanja potreba u snabdijevanju ogrevnim drvetom, ispaši stoke, sakupljanju šumskih proizvoda, ljekovitog bilja, lova, ribolova, uzimanja šljunka, kamena i drugih vrijednosti, vršene su u nivou tolerantnosti, bez izazivanja štetnih posljedica po prirodu i prostor Zaštićenog pejzaža.

V PRIHODI I RASHODI JAVNE USTANOVE

Sredstva za rad Javne ustanove obezbjeđuju se iz budžeta TK, a u okviru raspodjele namjenskih sredstava Ministarstva prostornog uređenja i zaštite okoliša TK.

Finskijskim planom JU Zaštićeni pejzaž „Konjuh“ za 2013. godinu, na koji je Ministarstvo prostornog uređenja i zaštite okolice TK, dalo svoju Saglasnost 27.02.2013. predviđena sredstva za rad ustanove su iznosila 150 000 KM, koja su Ustanovi doznačena u decembrumjesecu 2013. godine.

Rad Ustanove je u 100% iznosu finansiran budžetskim sredstvima.

1) PRIHODI

Ukupan prihod Ustanove iznosio je 150.000 KM raspoređenih od Budžeta TK.

Sem ovih sredstava, Ustanova je raspolagala i sredstvima od 150.000,00 KM primljenim od Budžeta FBiH za realizaciju projekta „Izgradnja i uređenje izletišta Zlaća“.

Poslovanje ustanove u 2013. godini je izvršeno sa prenešenim sredstvima iz 2012. godine(ne utošena sredstva iz 2012.godine), koja nisu bila dovoljna za uspostavu značajnijih kapaciteta u radu Ustanove na poslovima upravljenja vrijednostima i prostorom Zaštićenog pejzaža KONJUH.

Druge prihode Ustanova nije ostvarila u 2013.godini.

2) RASHODI

Ukupni redovni rashodi JU u 2013.godini iznosili su 80.359,88 KM iz čega proizilazi da je Ustanova u 2013 godini ostavila višak (ne utošak) planiranih sredstava u iznosu 69.673KM.

Pored redovnih sredstava JU je u 2013.godini realizovala projekat „Izgradnja i uređenje izletišta Zlaća“, za koji su donaćena sredstva iz Federalnog fonda u iznosu od 150 000 KM, koja su u cjelosti opravdana Federalnom Ministarstvu.

3) STALNA SREDSTVA

U 2013 godini izvršena su ulaganja u realizaciju projekta „Zlaća“ u iznosu od 150.380 KM Sredstva za realizaciju ovog projekta u iznosu od 150.000,00 KM dobijena su od Budžeta FBiH.

Raspored rashoda JU prikazan je tabelom:

RASHODI I IZDACI

Redni broj	Ekon kod	Naziv troška	Izvršenje u	Izvršenje u
			2012.god	2013.god
			KM	
1.	610000	Tekući izdaci	82 494	80 360
1.2	611000	Plaće i naknade troškova zaposlenih	56 361	41.463
1.2.1	611100	Bruto plaće i naknade	53 484	33.308
1.2.2	611200	Naknade troškova zaposlenih (topli obrok, prevoz, regres, otpremnine)	2 877	8.155
1.3	612000	Doprinosi poslodavca i ostali doprinosi	5 993	3.865
1.3.1	612100	Doprinosi poslodavca	5 993	3.865
1.4.	613000	Izdaci za materijal, sitni inventar i usluge	20 140	35.032
1.4.1	613100	Putni troškovi	0	0

Redni broj	Ekon kod	Naziv troška	Izvršenje u 2012.god	Izvršenje u 2013.god
			KM	
1.4.2	613200	Izdaci za energiju	0	633
1.4.3	613300	Izdaci za komunikaciju i komunalne usluge	742	1.068
1.4.4	613400	Nabavke materijala i sitnog inventara	585	8.337
1.4.5	613500	Izdaci za usluge prevoza i goriva	3 420	4.144
1.4.6	613600	Unajmljivanje imovine i opreme	2 527	4.144
1.4.7	613700	Izdaci za tekuće održavanje (održavanje sredstava, prostora,...)	43	668
1.4.9	613900	Ugovorene i druge usluge (upravni odbor, računovodstvene, programer, ugovor o djelu,...)	12 495	17.655
3.	820000	Kapitalni izdaci		
3.1	821000	Nabavka stalnih sredstava	11 431	
3.1.1	821200	Nabava kancelarijskog namještaja	4 695	0
3.1.2	821312	Nabavka opreme	6 736	0
3.1.3	821320	Prijevozna oprema	0	0
		Realizacija projekta – (sredstva dobivena po Javnom pozivu za od federacije).		150 000
4.		Ukupno redovni rashodi i izdaci	93 925	80 360
5.		Svega ukupno	93 935	230 360

VI POTEŠKOĆE I PROBLEMIU RADU JU

JU Zaštićeni pejzaž "Konjuh", u 2013. godini u svom nastojanju da što bolje funkcionira i obavlja uspješno povjereni zadatak pokušavala je da rješava dosta poteškoća i rješivih i ne rješivih zadataka i problemima.

Karakter tih okolnosti je raznolik, od finansijskih problema pa do određenih problema u vidu nedostataka iskustva i znanja u oblasti djelovanja Ustanove, od strane same JU, a i svih zaduženih i nadležnih subjekata za njeno formiranje i osposobljavanje za rad.

Poseban problem predstavljala je nepopunjenost kapaciteta radnih mjesta Ustanove.

Često su interesi subjekata, koji su imali za obavezu pomoć i podršku u radu Ustanove, bili drugačiji od stvarnog njenog interesa.

Pomoć JU je bila nedovoljna, a često i izostajala.

Nadamo se da ćemo u buduću imati veću podršku.

Bez obzira na sve probleme, Ustanova iz dana u dan postaje sve spremnija za izvršenje obaveza koje su potrebne da se ispuni i opravda njeno formiranje i postojanje.

DIREKTOR JU

Modrić Enes, dipl.ing.šumarstva
